

江南通志

自卷百八十五
卷百八十一

庫文閣内			
函	册	號	類
二 九	六 九	三 九 六 九	漢 書
三 架			

庫文閣内			
函	册	號	類
二 九	二 九	三 九 六 九	漢 書
二 四			

(一四一〇)

内閣文庫			
番號	漢	3969	
冊數	692 (140)		
函號	291	97	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



六

江南通志卷一百八十

人物志

淺草文庫

列女 義烈四 太廬鳳三府

太平府

三國吳李衡妻習氏衡守丹陽諸葛恪徙琅邪王休於郡
衡過繩之習諫不聽孫琳迎休立之衡懼謀奔魏習勸
其詣獄自陳休勅還郡進威武將軍加棨戟

唐李白二孫女一歸陳雲一歸劉勸皆農夫觀察范傳正
改瘞白於青山之陽欲令二女改適士族二女不從范
奇之復其家

宋焦洵妻洪氏黃魯直甥宣和間遇盜於江欲逼之氏不

江南通志


卷一百八十

人物志

義烈

一

太平府



江南通志 卷一百一十一
一
汚自溺侍婢宜恩均奴亦死之

〔元〕葛通甫妻月娥西域人軍職馬祿丁女沔寇至城失守娥恐見辱抱所生女赴水死侍婢相率爭溺者九人犬暑七日得其屍面皆如生邑人合葬黃池里爲十女墓立祠以祀

〔明〕花雲妻郃氏侍兒孫氏俱繁昌人陳友諒犯太平花雲死之郃以三歲兒煒付孫遂自溺孫瘞郃畢抱煒逃爲友諒所執得脫復逃渡江爲敗軍掙入水附斷木至蘆渚摘蓮實嚼兒得不死煒年十二授虎賁衛千戶奉郃骸骨歸束草爲雲軀合葬於上元縣

陳諫妻李氏廣東人隨諫之太平任兩月夫死氏曰吾少養豈可與叔萬里同歸遂不食而死

陶安繼妻陳氏當塗人夫病歿子昱孫卯兒坐法徙軍陳以前子從戎叩闕泣奏帝泣然憫念時卯兒已死立即赦出昱歸養封氏姑孰郡夫人

張氏女名仙貞繁昌人張玘女正德中流賊剽掠仙貞年方十七護母病不忍走被執至江口抱樹泣罵不受汚賊遂殺之

繆釜妻張氏蕪湖人釜以母喪哀毀成疾將死語氏曰汝芳年宜善自託氏哀泣自縊死越二日釜亦死遂合葬

楊文俊妻李氏當塗人名妙清年十七適楊末期夫病

篤遂告氏曰早嫁勿自困氏哀痛先自經死

王德成妻蕭氏蕪湖人夫死守節有謀娶者舅姑潛受

聘禮氏佯許屆嫁期自縊死

庠生方名蛟妻洪氏繁昌人蛟死氏觸棺哀慟七日不

食自經而死

凌守丞女繁昌人許鄭未嫁而夫殤凌七日不食死

柯昌茂妻蕭氏繁昌人崇正辛巳流賊至蕭被執不受

汚亂刀剖腹而死

謝智妻柯氏繁昌人聞流賊至投水死

周氏女繁昌人許字庠生李模未嫁崇正癸未左兵至

挾女不從臨之以刃女堅拒被殺剖屍爲四

從氏女繁昌人許字姚之基未嫁聞左兵將至自溺死

宣壁妻王氏繁昌人左兵至氏携幼女逃兵殺其女而

脅氏氏趨赴水兵追殺之裂其屍

章其闇妻陳氏繁昌人左兵入闇携氏逃匿亂兵漸逼

氏恐被辱遂自經死

胡之寧妻戴氏當塗人黃兵屠城之寧被殺驅氏行氏

給之曰家內有金鐲可取去見婢亦被縛更給之曰願

借婢從汝婢得釋經市河牽婢躍水死

貢生吳昌祚妻謝氏當塗人黃兵屠城得謝於苧田掖

之行謝以兩手抱樹大罵兵斷其指氏以指擲兵面兵

磔之夫倖免得襲氏指歸歿終身不再娶

孫士毅妻陶氏當塗人夫死守節黃兵掠城執之氏堅
 拒不從兵忿怒刺其胸鈎其臟腑寸磔之其母奔護亦
 被殺
 庠生陳衷韞妻張氏當塗人有孝名亂兵掠及氏沒深
 淵兵出之氏奪刀斫兵不中遂自剄兵怒斃其屍曰
 張元喆妻倪氏當塗人黃兵屠城夫死無子氏遂自溺
 其婢方十二歲亦從之死

周金章妻程氏當塗人明季殘兵掠於鄉程遇之赴水
 死其子周正體亦從之溺
 某氏當塗人黃兵屠城有婦數人匿城樓撤其梯氏至
 欲上眾恐黃兵至卻之兵隨至執之訊及樓上氏曰無

人兵以刃置氏頸懾之無異辭遂被殺眾婦獲免羣拜
 而瘞之惜其姓氏無可考
 閻哈兒妻某氏蕪湖人閻菜傭日不謀一食姑屢勸改
 嫁氏不肯從姑陰諾富家子聘氏與哈兒相抱大慟自
 經死

鄒氏蕪湖人失夫姓字黃兵掠鄉夫以大盆積草卧婦
 於其中置之塘側兵鈎得之欲挾婦去以刃示婦引頸
 曰死便死耳又何懼兵怒碎其屍
 葛氏女蕪湖人施必韶聘妻遇賊至自溺死
 王明德妻徐州人王為郡司鐸氏失姓黃兵屠城明德
 偕其妻躍入泮水而死



國朝甘氏女蕪湖人許字丁國瑞夫死女年十六父母憐其少年且貧諷以改適女不從侍父母以女紅資養衣食常不能給父母病數月不解帶顙天祈禱多方療治不效及父母歿女預將週身衣裳縫固自經而死雍正八年旌表

湯德符妻芮氏當塗人國初土寇竊發官兵勦之寇衆皆逃竄氏攜三歲女與夫相失恐遭俘辱抱女躍溝溺死

汪立樞妻許氏休寧人許大潮女汪寓蕪湖往楚數載而不歸氏以女紅事姑汪死於楚氏誓死守節夫兄逼氏令改適氏潛飲鹽滷二升又自投於井鄰婦救出滷氣大發膚銷肉縮口中喃喃尚聞今好了今好了數字而死

黃良駮妻俞氏本歙縣人生長蕪湖年二十七夫卒欲以身殉遺子八月父諭以撫孤氏乃緘紉作勞令子就傅子至八歲痘殤氏絕粒而死

何煥妻郝氏繁昌人煥廢業迫於凍餒夜啓戶自溺氏驚起攜子與女三人赴救偕溺死

于斯光妻汪氏繁昌人適光未期夫歿欲殉因有妊苟延既產女弗舉氏哀慟七日而死

豫章烈婦不知姓名順治戊子大兵再定江西師旋婦被掠藏舟中欲狎之婦不從至翠螺山馬王廟前殺之

截尸爲四
林珏妻孫氏當塗人珏死氏欲身殉痛瞽姑無養繼嗣
無人因忍死罄衣飾以養姑及姑歿送死盡禮哀毀而
歿
俞廷耀妻陶氏蕪湖人夫歿氏年二十五哀慟絕粒七
日而死
鍾蔡兩義婢俱當塗人一陶荷衣奉侍鍾太常媳丁氏
一王氏女奉侍蔡指揮女弟蔡氏丁蔡皆孀居守志二
婢及笄命嫁不從願侍奉終身各長齋數十年以室女
終
陳吉士妻章氏繁昌人有強污者不辱而死

廬州府

唐朱延壽妻王氏舒城人延壽姊爲楊行密夫人行密狎
延壽延壽怒陰與田頔通謀事泄見殺妻集家人聚寶
貨焚府舍曰誓不以皎然之軀爲讐人所辱遂赴火死
元忠宣公余闕妻蔣氏從闕守安慶城陷率其妾與子女
墮井死
明黔國公吳復妾楊氏合肥人復守黔陽卒氏自經詔贈
貞烈淑人
漳國公鄭亨妾張氏合肥人亨卒氏自經以殉詔贈貞
節淑人
徐錫印妻朱氏成國公純臣女錫印嗣永康侯爵卒朱



樓居十餘年足不履地及流賊陷京師捧廟主自焚死
仰賴妻李氏無為人賴亡自經

吳一朝妻趙氏合肥人夫亡自經

侯一香妻潘氏無為人早寡里有富人洪某慕其姿餌

潘至家欲污之潘拔刀自刺死事聞旌其門洪論如律

張氏二女合肥人正德壬申流賊入境欲驅二女行女

相携赴水死得屍手猶不解

儲如英妻王氏合肥人有殊色崇正壬午為賊所逼氏

罵不絕口引懷中刺刀自刺死

高士貞妻王氏合肥人壬午聞賊入城將投井侍婢梅

兒牽其衣勸少緩見賊來死未晚也答曰見賊恐不得

死所矣遂先投井長女繼之梅兒亦溺死

胡拱極妻黃氏合肥人流賊突至氏被執罵賊身被七

刃而死

祝亮工妻桂氏舒城人壬午春遇賊被執抱一枯樹不

動曰此我死所賊斷其頸猶堅抱枯樹不釋亮工至其

手方解

監生祝長祉妻李氏舒城人城破匿水中賊下水掖之

氏罵賊滾入深流賊怒刀石交擊渠水為紅

胡中恒女舒城人許字張阿閣城陷罵賊支解之

任科妻王氏舒城人姿殊麗眾賊擁之大罵不辱死

生員汪士德妻洪氏舒城人姑年八十餘扶掖出郭賊

前欲犯之氏堅抱其姑被殺女始笄伏尸慟哭起反刃擊賊死之

生員曾脉昌妻濮氏舒城人賊劫之不從與兩媳李氏

黃氏俱被殺

曾克昌妻謝氏舒城人賊令炊飯不從沃以沸湯亦不

為動乘間自刎死

貢士趙振先妾某氏舒城人城破被執賊露刃恐之不

從斷其頸挺立如故

曾之唯女舒城人城破賊執其臂女引刀斷臂而死

郭維慶妻許氏舒城人賊獲之先殺慶令婦騎馬氏大

罵投水死

生員張國屏女舒城人許字同邑李楷崇正壬午流寇

至舒破城女被寇所獲女曰乞賜一刀以全我節賊怒

殺之

侯之楷妻胡氏舒城人城破賊支解其夫伏夫屍罵賊

賊怒並殺之

蕭貞白妻張氏無為人崇正十五年流寇至夫妻俱被

執氏給賊使釋其夫遂詈賊賊斷其舌投屍烈焰僕蕭

見氏死厲聲罵賊賊支解之

董國治妻馬氏無為人寇至被掠欲污之氏以頭觸賊

刃血淋漓仆地賊怒剖其屍

周培忠妻張氏無為人崇正壬午流賊入城氏與培忠

俱被掠氏且哭且罵賊怒斫其足更火其廬夫婦同時
焚死

奈承德妻楊氏無為人流賊突至殺其夫氏奮罵投水
死

奈玉女無為人流寇殺其兄將犯玉女女奮罵不從被
寇寸磔死

徐畢璋妻朱氏無為人流寇破城朱方孕與璋妹奔井
邊氏曰井口狹煩姑推而納之朱既下璋妹哭曰父母

安在吾伴嫂死矣亦躍入井
陸官治妻沈氏無為人流破氏年十八與小姑名蟾女

年十四以巾帕相繫投井死

生員王之翰妻陸氏妾張氏俱合肥人流寇至欲污之
不辱而死

唐經國妻董氏合肥人
學使趙函乙母高氏妻解氏俱合肥人

生員王時彥母湛氏媳張氏俱合肥人
成允母陳氏其妯張氏俱合肥人

蕭嗣傑妻葛氏合肥人
胡一龍妻闕氏合肥人

王希松妾臧氏合肥人
汪英母周氏合肥人

夏聘功妻韓氏合肥人
胡璞母余氏合肥人

張姓婢鄭氏合肥人
劉芝妻張氏廬江人

貢生王孫謀妻張氏孫媳姚氏俱廬江人

貢生姚履和妻丁氏妾談氏俱廬江人

毛可達妻姚氏廬江人 曹二妻周氏廬江人

黃爾新妻吳氏舒城人 江教妻胡氏舒城人

黃氏婦女五人舒城人 朱名遠妻方氏舒城人

生員任翼世母孔氏妻祝氏俱舒城人

生員楊善妻程氏舒城人 黃某妻胡氏舒城人

汪世德妻楊氏舒城人 任天經妻許氏舒城人

姚永佑女舒城人 江躍鯉妻孔氏舒城人

生員會之才妻張氏舒城人

張天鼎妻單氏舒城人 張奇之妻朱氏舒城人

姚永著妻王氏舒城人 會之唯妻黃氏舒城人

生員金生一妻胡氏舒城人

胡太和女舒城人 趙崇仕女無為人

張景妻朱氏無為人 畢力尚妻張氏無為人

宇道達妻耿氏無為人 石汝瓊妻蔡氏無為人

生員劉光生妻朱氏無為人

李從仕妻嚴氏巢縣人 嚴成寬妻鍾氏巢縣人

高某妻俞氏鄭氏巢縣人

生員黃秉元妻某氏巢縣人

生員潘景黎妻陳氏巢縣人

潘一鳳女巢縣人 潘玫妻朱氏巢縣人

何大知妻徐氏女何氏媳智氏時氏喬氏俱巢縣人

楊茂儒妻馬氏女楊氏巢縣人

生員李應甲妻劉氏巢縣人

趙昌言妻王氏妹趙氏巢縣人

負販妻巢縣人

佚其姓氏

生員徐奇妻姜氏巢縣人

葛遇明妻尹氏巢縣人

胡學禮妻徐氏巢縣人

趙宏勳母熊氏女佛兒巢縣人

嚴成志妻陳氏女五一兒巢縣人

陶之令妻沈氏巢縣人

陶璨妻管氏巢縣人

葉士彥妾陳氏胥氏俱巢縣人

徐奇女巢縣人

以上遇流寇至不辱而死

褚汝英妻王氏合肥人賊污不從投水死

遺名婦合肥人壬午流寇入避難至縣橋遇賊投水賊

下馬掖之婦披髮大罵身中數矢而死

汪賜兒無為人年十五隣有狡童竊窺之賜兒不勝忿

恨自縊而死

張必美妻蕭氏無為人歸美半載美亡蕭年十七與姑

王氏同孀居軍人徐爾興脅之其姑懼禍勸蕭從之

蕭曰我死則禍已何懼為遂縊死

蘇蔭妻阮氏無為人鎮將黃得功守州有小卒窺氏逼

之給以就浴閉戶自縊而死

李烈女無為人陳氏家人女許字馬氏子馬貧未能娶

有武弁朱某與陳密見女姿態絕人謀於陳出白金百兩令倍償馬原聘而已聘為繼室陳許諾女聞之謂母曰主命不可違惟邀馬郎至家一面以了宿緣可也姬如言設酒食延馬至女隨母出再拜而入檢聘物擲於庭大聲曰業已生離需此何為馬涕泣而去女謂母曰馬郎無復再會幸遠送之母送近馬舍而返女已自經死

任育民妻解氏舒城人育民早亡解年二十許翁老而貧將遣嫁解自縊死
周氏女名留姑廬江人許字包某未婚夫卒女奔喪成服絕粒八日死

丁氏女廬江人許字王子詔詔歿父潛許隣子段某女遂投井死

陶憲臯妻汪氏舒城人居梅心鎮隣有惡少窺氏姿夜梯墻入氏抵死拒之大呼動隣里惡窘乃奔次日氏以首觸壁掩面泣曰女子無閫外聲我即不受污何顏復活越三日扃戶自經惡伏法

邢瑞妻林氏無為人年十九夫沒殮畢慟哭不食旬日嘔血死
郭士行妻陳氏舒城人夫亡遺二子未幾二子疫死氏曰我不即死者為有二孤也今二子俱死我何生為遂不食死

生員謝昌言妻詹氏合肥人昌言病篤呼詹曰若艱苦已極須早為衣食計勿再遇如昌者詹痛哭請先殉遂

自縊未幾昌言亦死

高士俊妻孫氏合肥人年十七夫出門貿易溺死氏聞

自縊郡守吳大朴旌其門

孫氏合肥人

佚夫姓名

黃仁後妻胡氏舒城人

沙棟妻張氏舒城人

謝容妻錢氏無為人

王羅春妻李氏巢縣人

胡氏女巢縣人皆殉夫死

國朝

張燭妻杜氏合肥人夫歿自經

旌表

沈夢雲妻楊氏舒城人夫死里少有謀委禽者氏聞之

自縊

旌表

周維先妻趙氏舒城人維先以薙髮為業病卒氏有娠

忍死以俟父母遽議改適氏曰事急矣吾不能待也取

薙髮刀自刎死事聞

旌表

朱子才妻胡氏廬江人夫死守節有強暴謀汚之自縊

而死于康熙年

旌表

黎志美妻劉氏廬江人早寡夫兄兩次逼嫁氏剪髮破

面鳴官保節于雍正四年

旌表

邑庠生蔡機妻金氏合肥人工書畫夫亡盡檢付火絕

粒旬餘家人乘昏憤飲以參湯復甦如是者再後終餓

死于雍正八年

旌表

卞氏女無為人許字童文成夫歿女年十七欲死父固

止之諭以在家守貞逾年父念女意或可轉有媒妁在門女揣知卽自經死

謝桂女無爲人許字王道道歿女年十四隨母往奠願留事尊嫜母強之歸不可久之父母念其幼欲改適給以母病趣回而媒妁在堂母令女膾魚欸之女謂母曰此生魚可念奈何必致之死笑容自若母畧不疑也乃從容縊死帷中 以上雍正九年 旌表

何大封妻阮氏無爲人夫死守貞有授以肉誤犯其手者引刀截指血濺尺許一室盡駭蓬首鵲結時聞哭聲如是者六十年

高明令張國城妾王氏舒城人張亡遂不食而死

劉有紳妻謝氏無爲人夫亡自縊

朱二女無爲人許配陳子仲子仲殤陳爲子叔更納采焉親迎前一日女靚妝投屋後溪死

某妻董氏無爲人嫁未一期夫病羸氏抱持供湯藥者數年某兄素無行料弟必不起敦逼收嫁堅執不從夜投水死

郭氏女巢縣人許字黃萬正貿易不返人傳已死父母改字袁姓婚期至女閉戶自經

剛啓元妻陸氏巢縣人殉夫死

趙士玉妻蒺氏巢縣人夫故服三年喪葬畢服闋遂絕食而死

史子明妻孔氏巢縣人夫貿易溺死聞訃投縋

任紹周妻郭氏巢縣人夫歿不食死

黃瓚妻吳氏無為人夫死年少族人逼改適不從強以

胡姓入贅氏佯諾之及期潛啓後扉沉池中死

祖懿修妻唐氏巢縣人夫歿欲殉有遺腹不果及生女

椎胸而卒

徐君仲妻劉氏舒城人早寡里豪賄族掠娶氏自縊死

朱吉士妻張氏舒城人夫亡姑逼其改適自刎死

奚某妻晉氏舒城人夫歿族人逼嫁自縊死

宋又郊妻鮑氏舒城人郊赴省試卒旅舍氏聞訃自經

翁姑諭之曰有遺孤在撫者何人必欲殉夫待子長成

可也氏勉應之後十三年子長終絕粒死

方肇祥妻任氏舒城人宋又禮妻王氏舒城人

李廣圻妻奚氏舒城人汪守信妻王氏舒城人

徐乾妻吳氏合肥人龔紹渤妻吳氏合肥人

張拱明妻李氏合肥人方永芝妻宋氏合肥人

汪曾三妻聞氏合肥人嘗割股療姑

蕭元秉妻賈氏合肥人夫亡身殉

高繼國妻陸氏合肥人夫歿以兒死歸寧父乘機逼嫁

不從謀計劫之氏給以別姑拜夫墓及歸待姑寢遂縊

床側

黃承業妻張氏名玉德合肥人承業本太倉人贅於肥

婚後歸省病亡氏聞投繯以殉
王景燦妻董氏合肥人景燦病甚割股療之肉盡臂脫
死

趙徵妻江氏合肥人早寡撫孤婚娶畢拜夫墓一慟而
卒

蘇氏女合肥人許配劉姓夫歿自縊

蔡氏女合肥人許配劉智智歿不食死

張氏女合肥人許字黃氏子黃歿女素服悲號夜靜自

縊

武舉胡希儼妻王氏舒城人夫亡絕粒六日家人百方
解勸強起視息哀毀數月而死

鳳陽府

漢周郁妻趙氏蘄人趙孝之女少習儀訓閑於婦道郁多
行不道郁父偉謂新婦賢者當以道匡其夫不改新婦
之過也婦拜受命退謂左右曰我無樊衛二姬之行故
翁以責我我言而不用翁謂我不奉教罪在我若見用
是子違父而從婦罪在彼不如死也遂自縊

宋鍾離婦紹興間金人陷濠城氏被卒執去詈罵不屈卒
斷其臂而死

王宣妻曹氏定遠人建炎中盜馬進焚掠臨淮曹卧病
不起賊劫持之大罵不屈死

閔居正妻蒲氏定遠人蒲卓女幼寡言笑通孝經自註

列女傳十七適閔會閔當從軍與蒲泣別蒲慷慨義形于色謂丈夫當立功闔外婦亦分榮晝錦耳後數年閔凶聞至婦年二十有六決意自裁姑及母防之急踰三日自縊

元婁氏于某妻名壽春定遠人年二十餘至正十二年正月為亂兵所驅義不受辱赴濠水死

史五妻徐氏定遠人元末兵亂五為義兵巷戰死兵懸其首于西門兵退氏求夫積屍中以所繫繡囊辨之方得載歸治大棺以殮氏沐浴縊死與夫同棺而葬

樊婦張氏夫死于兵子宗吉方十歲婦為兵所驅匿水中驅者謂宗吉曰呼爾母來我活汝宗吉以告其母母

曰吾非不汝顧但不能失節以求生耳遂罵賊不絕死於水中

明朱氏女靈璧人名善真永樂間其父以校尉客居京師善真及笄許聘丁文聰丁死父議他聘女曰吾身雖未事丁而業已議婚可更二姓耶遂縊死事聞詔旌貞烈王之屏妻劉氏鳳陽人夫故誓以身殉里鄰以姑老勸遂感泣堅志養姑及姑死適遭盜焚劫氏奔夫墓樹自縊旬日如生

何淵女宿州人許嫁王璣未歸而璣卒父母欲令他適女慟哭不從一日偕姑至墓慟哭幾絕母姑扶回尋嘔血卒

王邦妻馬氏年十六歸邦邦溺死氏欲往赴水同死家人阻之遂自縊

厲讚妻薛氏壽州人年十九讚疾篤薛云汝瞑目去我即來矣讚死越六日遂自縊

屠照妻楊氏壽州人照亡氏撫孤守節孤以病亡遂自縊

張秀女虹縣人年十五聰慧貞靜流寇陷城賊入女家避困中自經死

王綬妻徐氏靈璧人正德間流寇至靈璧氏被執不辱見殺

董鑾妻茅氏靈璧人流寇入掠氏抱一子攜一女投水死

以上正德間旌表

吳方妻王氏暨四女奴女妙壽珍女妙奴俱定遠人正德壬申流賊趙鏐陷定遠氏同四女皆不受辱投水死

鄒鳳三女定遠人長滿廂仲妙聰叔臘女正德間流賊陷定遠皆不受辱而死

張旻長女妙鈴次女妙連養女端氏俱定遠人流賊陷城皆投水死

沈淳二女長秀女次四女定遠人正德壬申流賊陷城二女皆不受辱投水死

方淳妻居氏暨二女定遠人
方清妻丁氏女金女定遠人

鳳陽府

鄭翱妻錢氏定遠人 鄭祥妻尉氏定遠人

尉栢妻沈氏定遠人 汪春妻陸氏定遠人

陳浦妻袁氏定遠人 陳浙妾盛氏定遠人

鄒儒妻唐氏定遠人 吳裕妻朱氏定遠人

周杰妻汪氏女周氏定遠人

周天祿妻鄭氏定遠人 楊斜妻吳氏定遠人

呂鸞妻方氏定遠人 金慶妻王氏定遠人

潘沔妻沈氏定遠人 郭奉妻錢氏定遠人

張福妻汪氏定遠人 徐行繼母金氏定遠人

徐昇妻鄭氏定遠人 孫爵繼母陶氏定遠人

吳讓妻唐氏定遠人 方金妻吳氏定遠人

徐祿妻葉氏定遠人 鄒鳳妻王氏定遠人

方忠女留女定遠人 賈清妻王氏定遠人

沈舉女蘩女定遠人 顧惠女妙聰定遠人

尉海女小六女定遠人 方銑女妙定遠人

周桂女五女定遠人 陳恩女所女定遠人

呂潤女老姐定遠人 鄧宗女真女定遠人

李海女妙翠定遠人 顧銑姪女聰女定遠人

陶松女智女定遠人 徐冕妻沈氏定遠人

許爵妻楊氏定遠人 包易女艾女定遠人

方恩妻郭氏定遠人 徐禮妻陸氏定遠人

葛堂女妙堂定遠人 汪杲妻許氏定遠人

曹宣妻楊氏定遠人

沈翺妻居氏定遠人

蘇成妻王氏定遠人

尉海妻顧氏定遠人

顧鐸妻陳氏定遠人

錢英母王氏定遠人

顧鉞妻沈氏暨二女定遠人

錢廣妻梅氏定遠人

陸紀妻王氏定遠人

居遂妻賈氏定遠人

杜翺妻李氏定遠人

胡景妻周氏定遠人

畢良妻蔣氏定遠人

彭良母姚氏定遠人

成瓚妻杜氏定遠人

徐堂妻楊氏定遠人

以上皆正德壬申流賊趙鏐陷定遠不受污或自經

或自溺或被殺

羅瓊妻石氏定遠人遇賊不辱自縊

周氏臨淮人王新民家婢年十八配王羊成婚甫數月

羊病故氏夜自縊

李信章妻潘氏臨淮人年二十七夫故誓不欲生父母

勸守甚密及夫葬慟幾絕遂自縊於墳所

夏天祥妻某氏臨淮人天祥傭工於陳姓家病篤氏割

股救之弗愈夫亡衣殮畢隨投塘死

郭女臨淮人年十四鄰火作延及女家時夜分女寢樓

上披衣起下樓將踰門限見救火者如堵女抱羞不前

遂躍火中死火滅覓女屍肢體不化人皆異之知縣魏

宗衡勒石曰郭烈女

張海女懷遠人年數歲許聘唐昕將嫁而昕卒女聞之即毀容不食自經父母解之女亦念父母年老恐為己痛忍死以俟後委禽者至父母微勸之女曰天平是不容吾生也遂縊死于床楣

綠衣女鳳陽人不知姓名獻賊陷郡女避賊為賊所見爭犯之堅抗不從縛于庭槐灌油燎之女謾罵不輟而死

生員孫有繼妻何氏鳳陽人年十九夫死三日闔戶自縊死

耿二姐鳳陽人許字吳太良吳死耿奔拜自經柩傍事聞建貞烈坊


庠生許良相妻張氏臨淮人良相卒越七日即自縊柩傍奏聞旌表

劉綬妻梅氏臨淮人年十七綬卒氏苦節五年父母欲奪其志不從遂縊死事聞旌表

王雄妻呂氏臨淮人年二十雄卒無以葬氏盡解其服飾資之既窆即抱幼女托親撫養遂自縊死閭黨無不傳述事聞旌表

庠生華樓妻顧氏臨淮人夫故殮畢親戚盡散遂自縊於棺側奏聞建坊

王馭乾妻韓氏臨淮人年十八馭乾死越二七日焚香哭奠夜自縊死建坊表其門



江南通志 卷一百一
李玉妻石氏臨淮人年二十四玉病多方療治及卒竭
蹶殯殮候蓋棺畢縊死柩傍赤貧無遺郡邑爲之棺殮
合葬奏聞建貞烈坊

庠生黃槩妻邱氏臨淮人年十九嫁纔五月槩亡氏閨
二日縊死柩側事聞旌表

周錫遠妻薛氏懷遠人夫婦染疫夫先病亡氏忽甦自
縊死

張師孟妻徐氏懷遠人徐子魁女母目矇女剜肝肉和
藥母飲而目明後適張張病割股以進不效及卒氏悲
痛不食三日縊死于柩旁時年十九邑令申請以孝烈
表之

姚黨妻賈氏懷遠人黨死賈泣曰君其遲我卽從君逝
矣夫姊勸之他適賈曰夫在人不得見我面夫死可反
面事人乎遂自經死

孔固妻胡氏懷遠人夫歿氏年三十誓以死殉晝夜號
泣七日不食死

杜應試妻趙氏懷遠人夫病篤氏許身殉及亡殮畢擗
踊痛哭觸棺而死

王朴妻孔氏懷遠人夫死氏伏棺號泣三日不食至夜
縊死

李自修妻徐氏懷遠人自修病割股以進不效及卒氏
殮夫畢遂縊死

李發春妻石氏懷遠人姑病刲左臂肉和羹以進姑食
之病稍愈夫死自縊者再家人救免俟防者少懈遂縊
死時年十有八憲使表其門曰孝烈

張思讓妻劉氏宿州人歸張方逾月而夫病卒殮畢遂
自縊柩旁

婁楷妻郇氏宿州人夫亡慟哭不已閉室自縊萬曆間
旌

葛儒女臨淮人許聘胡桐年十七桐病卒女聞自縊死
萬曆間旌

鄭鑾女宿州人年十五許聘秦文顯未歸夫亡聞訃卽
日自盡建坊旌之

張守恭女宿州人許聘劉氏聞劉卒女扃戶自縊郡人
慕其義葬伯姬塚傍

張弼妻江氏宿州人弼病故慟哭盡哀聞者無不垂淚
殮畢卽自縊于柩前

劉大川女宿州人幼議婚陸姓及笄陸貧兒行乞父欲
改婚富家女謂母曰吾願適陸氏卽同乞所甘心父母
卒別受聘女潛縊死

季國模妻黃氏宿州人年二十國模卒氏縊柩前州守
申請旌表

沈朝妻郭氏靈璧人嫁甫踰年夫死無子悲號自經以
殉

張崇志妻王氏靈璧人年十八適張甫一月夫溺死遂自縊萬曆間旌

甘洛妻梁氏靈璧人年二十八有娠洛病篤梁誓曰生男為爾守生女則死已生女遂自縊以殉

徐藻妻李氏宿州人藻死殮訖自經天啟間旌

趙繼明妻周氏宿州人繼明病死含殮畢沐浴投繯巡

按題旌

趙光大妻孟氏宿州人事姑孝夫病篤氏以死許母嫂慰止之氏曰吾籌之熟家故貧無子可守將覩顏二姓乎夫歿乘間自縊死

陳宗孟女宿州人許字余揚名揚名病死女往弔勸欲

留養姑母迫之歸途中謂母曰兒失所天身無所容矣抵家悲泣不能止自縊死天啟間旌

丁道明妻馬氏宿州人道明早世馬誓死殉母防之三日得間縊柩前

王鳳鳴妻張氏宿州人事姑孝鳳鳴歿六日不食死時年二十

諸生徐拱杓妻葛氏宿州人歸徐後生女及笄小字曰文崇正辛巳秋賊入其室女大罵自刎其母乘間墜樓而死母子雙節

徐映乾妻程氏宿州人映乾以哭母過慟病歿氏越三日登樓自縊

徐琳妻王氏宿州人年十七琳亡氏自經以殉

常曰璜妻張氏宿州人夫故即日自縊

徐長堅妻宋氏宿州人長堅病死氏年二十即引繩屋

梁母牽裾止之氏曰吾志決矣勿令頸血汚人衣遂縊

死

黃萬里妻劉氏宿州人萬里遇賊被害氏罵賊不屈死

之

蔣如詡妻丁氏宿州人懷宗時里中大亂丁避之母家

賊驟至知不免因給之曰吾父瘞金指授汝賊從之行

過井邊投井死

徐國憲妻王氏宿州人初王有姑適國憲伯氏琳於崇

正時殉節國憲病亟王執國憲手曰勿吾慮當學吾姑

及國憲沒含殮畢自縊

魏夢鶴妻時氏鳳陽人夫為寇殺氏隕井以殉

胡志賢妻滕氏鳳陽人賊至一家被執欲殺志賢氏以

身蔽之求死賊憫其義釋其夫並一家人

趙國俊女鳳陽人懷宗時流賊屠鳳母携女出避遇賊

欲掠去母不忍舍女佯為樂從狀俟母得脫大罵躍入

水死

黃嘉賓母梁氏鳳陽人懷宗時獻賊至氏同媳梁氏與

其女三人携手結帶曰與其溺於人寧溺於淵共投深

池死

王新籓妻張氏鳳陽人張孀居懷宗時寇犯鳳值姑老病篤舉家咸遁張携女婢守姑死含殮畢適賊至欲犯之張以金給之乃與女潛取賊刀先斃女後自刎未絕指婢斷其喉婢從之賊驚嘆而去

魏民治妻陳氏繼室沈氏俱鳳陽人流賊犯鳳欲殺魏陳以身蔽願請代賊殺氏魏得脫既娶沈民治死家貧無子沈苦節終身

方之奇妻胡氏鳳陽人懷宗末寇亂舉家逃竄氏被掠哭罵不屈死

李鐵匠妻顧氏定遠人年二十四懷宗時流寇至顧急赴濠水賊尾其後脅以刃復援之顧堅沉水中被殺死

張煜妻杜氏定遠人年二十二煜疾卒杜自縊姑覺急救如是者三遂絕飲食七晝夜卒自縊

申有綱妻劉氏定遠人聰慧通文墨年十五適山西民申有綱夫亡自縊

徐旭妻韋氏定遠人懷宗時流寇逼之投井死

周時宜妻吳氏定遠人遇寇投水死與韋氏同奉詔旌陶志善妻王氏壽州人年二十夫死撫棺號啼七晝夜自縊

吳崇讓妻梁氏壽州人懷宗時扶姑劉氏避流賊及爲所獲氏不從賊刃其姑脇之氏抱姑痛哭致剖腹墮胎而死

高雲路女壽州人年十五遭劉兵亂投河死

王文燦妻高氏壽州人年二十一夫故閉戶自縊

楊壽域妻袁氏壽州人楊壽朋妻韓氏遭亂袁氏罵賊

受戮賊欽其節因釋壽域其弟妻韓氏溺死池塘

張應明女壽州人夫不才逼共鬻為奴氏恐辱家聲遂

自縊

陳時麟妻朱氏壽州人年二十夫故哀毀餓死

許諫妻劉氏壽州人遭亂兵不受汚斷舌剖腹而死

劉壯生妻范氏壽州人幼通孝經內則夫亡毀容苦節

遭兵亂姑墜江范從之死

葛某妻張氏壽州人夫歿撫女守節流寇至被擄閉于

寺見有烈火挈女躍入俱焚死

生員楊宇宇妻潘氏壽州人遇寇擄潘上馬氏從馬上

躍投溪中水淺吞沙死

莊氏靈璧人夫死撫女守節遇流寇亂携女入井中賊

以石擊之尸并碎

劉惺如妻李氏靈璧人流寇犯靈璧李時懷孕持刀剖

腹以死

周竇蘭妻陶氏靈璧人夫亡氏誓以死殉踰三月遺腹

生子子又殤遂自經死

馬雲衢妻田氏靈璧人夫死自縊

生員趙佳兆妻梁氏靈璧人遇寇知不得脫遂自刎

李希儒妻張氏靈璧人名妙蓮遇寇携女投河死

庠生高選妻時氏虹縣人明季流寇亂夫為寇追赴河

死氏絕粒七日遂自縊

曹廷秀妻甘氏懷遠人年十八廷秀病故氏伴姑紡績

毀容苦守以包袱作枕服闋時同姑拜墓歸夜啟包袱

出衣履遂自縊中堂邑令旌之曰正操可風

庠生李本妻段氏懷遠人明末劉良佐兵叛段扶祖姑

避於鄉遇賊急奔入井賊持之搥石擊賊面賊怒裂其

首而死崇正時旌

陳佺妻殷氏懷遠人年十九佺死氏即縊姑救之苦守

三年服闋自縊

榮樂湖妻郭氏懷遠人懷宗末劉良佐兵叛過懷遠女

被執衣帶環結如織賊執刃強逼女佯請賊佩刃解帶

及接刃自刎死舊志不知其為郭只名結帶女子今考

新修懷遠縣志識之

孔從周女懷遠人許字彭永年子懷宗末彭氏星散無

由通音問有名家子執幣求婚女不從自縊死

張雲鵬妻王氏懷遠人為流賊所獲氏厲聲罵賊賊怒

斷指割舌碎尸而死

生員顧賀泰妻席氏臨淮人

耿氏女臨淮人方聘未歸夫亡自縊

趙文學二女臨淮人流寇犯境女舉家被害先潛地窖

中得脫聞寇去出逃村中寇復集二女恐污携手投井而死

國朝張國憲二女憲弟國俊婦龔氏俱宿州人憲長女年十八次女年十六龔氏年二十三懷宗時礦賊數萬破塞大肆焚掠二女自料不免並投纆龔續縊一門三烈俱順治間旌表

生員張煒妻劉氏宿州人響賊數十騎突入煒家劉被執指竈底誑之曰是窖金所賊擁往掘之劉乘隙急持厨刀自刎而死

夏日升女宿州人許字貞吉尋卒女聞訃焚衣佩不食嘔血死

生員張士純妻魏氏宿州人夫卒氏屢欲投纆姑防之踰日乘間自縊

張文獻妻田氏宿州人夫病篤氣絕氏遂自刎踰時文獻復甦而氏已死文獻遂薙髮為僧

生員秦純臣妻蔣氏宿州人年二十純臣卒自經柩側梁氏女宿州人夫死無子依父守節有楊乙者誘至其家勢逼為妻梁不從自縊死

夏勗女壽州人許字方自申未嫁而自申歿其妹許字劉璇劉亦死妹與姊相約以死殉姊曰我當死但父母年老汝勿效以傷親心我為其易汝為其難遂衣喪服投纆死妹遵姊命守貞六十餘載

王連錫妻葉氏定遠人強暴逼辱氏詈罵不從遂自經死 俱康熙間 旌表

許守學妻子氏虹縣人守學他往有王二者潛入氏室逼汚氏不從憤恨自溺死 雍正三年 旌表

魏天臣妻谷氏虹縣人爲強暴許舍所逼氏不受汚辱自縊死 雍正五年 旌表

周鉉女宿州人許字張潔張死女卽欲往殉母勸止之逾年母潛許丁姓女知之自書張潔妻周氏於衣前縊死 雍正六年 旌表

李文進妻柏氏虹縣人爲匪人柏魁逼辱氏不從自縊而死 雍正七年 旌表

趙佐妻戴氏宿州人夫歿氏年二十三無子氏哀號竟夜拊棺自經死


馬三捷女臨淮人許字鄭極未婚而鄭歿氏守貞三載服闋自經 俱雍正九年 旌表


生員黑崑妻楊氏臨淮人子甫三歲崑病歿氏飲毒而死

陳遇妻張氏臨淮人年二十夫亡誓死號泣幾月嘔血而死

周維先妻趙氏臨淮人夫亡引刀斷喉而死

李信章妻潘氏臨淮人夫沒誓不欲生及葬夫時遂自縊於墳所





杜維楫妻陳氏宿州人維楫病歿陳視棺殮未畢投縵死

丁更新女宿州人許字徐之修子夫病歿女年十七聞訃哀泣不食飲毒死

張其璿妻董氏宿州人璿病篤氏衣不解帶者累月及璿卒自縊死

范錫爵妻沈氏宿州人夫歿年二十三含殮畢自經死張烈女宿州人夫樵于野遇狼被噬氏哀泣至其處以

鎌絕脰死
丁氏丁昌泰女宿州人爲瞿氏子婦夫亡自縊死

劉冲漢妻何氏宿州人冲漢歿氏躬親含殮悲號欲絕踰日自縊柩前

李如德妻孫氏宿州人夫卒視棺殮畢出簪珥衣襦給家人投縵死

喬印妻陳氏宿州人印卒號泣三日投縵死
生員張奏妻楊氏宿州人夫歿楊年二十七無子女視

棺殮畢哀慟自縊死
梁荆萃妻化氏宿州人年二十一夫歿投縵家人救之

乘間服砒礪死
黃得中妻盛氏宿州人年十八夫死自縊于夫柩旁

陳秀妻尹氏宿州人秀歿氏日夜號泣自縊死
王梅妻陳氏宿州人夫歿哀慟欲絕謂叔曰吾姑少寡

今衰老善侍之吾其殉乎遂投繯死

卞魯妻楊氏壽州人夫死自經以殉時年二十

生員黃以位妻吳氏壽州人夫死年二十二守節奉姑

遭寇至為所執偕姑躍入火中焚死伊嫂姜氏亦同時

投河死

生員侯謹度妻張氏壽州人夫歿絕食以殉

孫會隆妻羅氏懷遠人會弟培隆妻張氏響賊突至二

氏奔避小舟賊追獲張罵曰汝作賊犯國法敢侵節婦

耶賊怒殺之砍三刀不仆羅急持權桿以擊賊賊復殺

之時羅年二十張十九

江藻女懷遠人許聘符世緯世緯歿女過符守節三年

服闋投繯死

余尚德女懷遠人許字王國隆國隆遠遊不返尚德携

妻女尋至龍亢不值遂寓焉母死女同父灌園紡績為

業每晨起以巾覆頰左右鄰女鮮覩其面康熙二十八

年父又歿女盡捐衣物殯殮閱二日自縊死

生員葛先質妻尚氏懷遠人先質因母歿哀毀成疾氏


曲為調護年餘先質歿氏痛哭縊死屍側

支斐妻湯氏懷遠人夫歿氏年二十一痛絕投繯家人

救甦慰之曰孤在抱汝死孤何屬未幾孤病殤氏解腰

絰縊夫墓側

陳文忠妻何氏懷遠人文忠與弟文德同居有文德妻



弟蕭克讓時往來窺氏室密邇乘文忠他出夜潛入氏
聞聲大呼蕭道氏夜集舅姑泣訴曰余暑月遭強暴夜
逼閨榻何面目活人世誓必死文忠歸氏泣告盡以衣
飾授之乘夜投繯死

張國善妻潘氏懷遠人年二十三夫亡投繯殉

生員胡一典妻楊氏懷遠人年十五適一典甫一載一
典歿哀毀投繯家人救甦繼姑病篤謂氏曰我旦夕必
死有子七歲爾翁後嗣賴此一綫爾幸勿死爲我撫之
氏勉從姑命撫夫弟至十五歲值夫忌辰祭奠後語父
母伯叔曰我所以八年不死者爲翁姑撫孤故耳今已
成立遂初志卽投繯死

沈望樓女定遠人適劉某赤貧氏知文墨以女工給饘
粥會劉出有強暴者欲犯之沈厲辭以拒自揣夫懦弱
貽橫辱遂自縊柿樹下

時超仲妻顧氏虹縣人夫歿自經柩側

庠生沈起湄妻陸氏定遠人起湄疾篤陸夜泣告天願
以身代及歿越三日自縊柩側時年十八

魏尚秀妻胡氏定遠人夫死欲殉母與妯娌密防之家
人逼其改嫁慟哭不食自縊死

鈕旭妻陳氏定遠人旭歿氏潛身投繯姑姊救免又奮
身入火中眉髮焦枯不死越三日乘隙自縊

閭進妻張氏定遠人夫歿孤孀父母欲令改嫁自經死

周之璋妻王氏定遠人之璋死氏泣語其妣曰予失所天豈能苟生姑之生養死葬惟妣始終其事同姑就寢潛往拜辭自縊死

王璟徹妻朱氏王瑄徹妻楊氏俱定遠人璟病歿朱投縊死楊許字瑄未婚瑄病劇接至夫家侍湯藥二日瑄卒遂自經柩傍

趙民化妻周氏定遠人夫歿自經以殉

張應祥妻譚氏壽州人夫溺死氏年十八投縊以殉

孫天佑妻夏氏壽州人夫歿自經

徐容肅妻周氏壽州人夫歿自縊死

張相女壽州人許字周錫林周二聞訃自縊爲之合葬

方丑妻鮑氏壽州人夫死自經

劉某妻毛氏壽州人夫死自縊

吏員王玉璘妻朱氏壽州人夫病禱天願以身代及歿投縊以殉

韓萃妻余氏壽州人家赤貧賃屋半間以居有鄰何上者乘萃他往夜破門逼辱氏大呼何遁氏悲憤自經死生員徐致浩妻李氏壽州人夫歿欲殉俟子長而自經侯中簡女壽州人許字陳某陳歿訃至自經

蔣承運妻卜氏壽州人夫病割股夫歿自經以殉

孫某妻夏氏壽州人夫歿絕粒三日死

陶于義妻張氏壽州人夫歿氏以死殉

繆氏女壽州人許字謝岐山謝歿女聞訃投環死

江南通志卷一百八十一終

江南通志卷一百八十一

人物志

列女 義烈五

穎州一府滁和廣六泗五州

穎州府

三國曹令女夏侯文寧之女適曹爽從弟文叔蚤死服闋後父母欲嫁之令女乃以刀截兩耳依爽及爽誅曹氏盡死文寧強迎令女歸微使人諷之令女佯許諾竊入寢室自斷其鼻曰仁者不以盛衰改節義者不以存亡易心曹氏全盛之時尙欲保終今衰亡而棄之禽獸之行吾不爲也司馬宣王聞而嘉之聽乞一子養爲曹氏後



江南通志 卷之二十一
隋魏氏木蘭亳城東魏村人隋恭帝時募兵戍北方木蘭
父當往而老羸弟妹俱稚木蘭乃請於父代行歷十二
年身接十有八陣樹殊勲人不知其女子也後秦凱還
天子嘉其功除尚書不受懇奉省親及還釋戎服衣舊
裳同行者駭之聞於朝召赴闕欲納之宮中曰臣無媿
君之禮以死拒之帝驚憫贈將軍諡孝烈鄉人歲以四
月八日致祭蓋孝烈生辰云

宋盧兒潁州人歐陽修妾修卒盧兒哭之慟淚血以死殉
葬焉

呂祉妻吳氏霍邱人紹興間酈瓊叛降於劉豫祉死氏
遂自縊

明魏隆甫妻張氏潁上人張恭女正德間流賊亂氏被擄
逼辱氏詈罵以手批賊頰被殺

生員嚴祿妻許氏潁上人正德間爲流寇執不屈投水
死

韓欽妻王氏潁上人爲寇所脅投水死

吳濟女潁上人流寇屠其家執女去不肯行哭且罵躍
入水中死

石球妻呈氏潁上人流寇至夫被傷氏匿草中得免賊
過荷夫以歸夫死氏七日不食扼吭死

王乾妻楊氏 王坤妻楊氏俱潁州人嘉靖間爲賊所
逼走匿高樓竝焚死

王加會妻楊氏潁州人加會病革曰汝當何如氏泣曰死耳加會揮淚歿氏語姑曰婦已許死者矣遂自縊死雙烈張氏呂氏俱潁州人張清女許字劉中焯未嫁夫亡女年十九哀號詣弔比葬前一日縊死樞傍焯弟中燿娶呂氏燿亡氏年二十刎頸死

孫綺妻馮氏潁州人綺歿氏自縊

姚模妻樊氏潁州人樊倫女模歿氏不食死

劉梅女潁州人幼通文翰許字李之本李亡女飲泣不食誓以死從語父曰兒爲李服三年且需吾弟稍長寄語公姑勿爲李郎置槨遂盡去鉛華教弟讀書親爲正句讀越一年梅潛許田姓擇期納采女聞自縊死郡守

臨其葬男女往觀如市時田家亦來致奠舉酒一酌而
樞前酒具劃然碎裂起高丈餘遠簷紛墜事聞詔旌其門

張其猷妻盧氏潁州人年十九其猷墮水死氏以頭觸
榻絕復甦徐曰終夫喪相從於地下耳越歲姑憐其無
子囑媒氏微諷之氏遂自縊

王永繼妻時氏潁州人夫死五日自縊

張雲鵬妻臺氏潁州人鵬病危氏許殉以三日爲期鵬
死氏如期就縊侍婢救之不死恨曰奴敗我事令我負
約遂絕粒至七日頓足曰遲矣郎得無疑我仍縊死有
司題旌

潁水烈婦不知姓氏住潁河北夫為人傭工病篤婦泣
白事急矣殮葬無所出請鬻妾遂自售於賈船得資為
夫置衣棺揮淚別去投潁水死

韓有學妻孫氏潁州人有學死自縊鄰里鬻棺埋之

黃鵠妻溫氏潁州人鵠病危氏許以身殉鵠泣解所繫

緜付之鵠亡遂縊死

唐汶妻郭氏潁州人夫早世翁姑俱八十餘氏拮据奉

養翁姑歿殮葬如禮遂不食死

范希文女潁州人許聘朱廷諫未嫁夫死女自縊

馬似龍妻史氏潁州人夫死自縊柩傍

鄧任妻丁氏潁州人任病久罄奩救之不效惟存聘時

簪二枝一縮於任髮一自縮曰妾安敢負此簪任死三

日自縊

李枝茂妻王氏潁州人夫病剝肉療之不起自縊死

張大壯妾曹氏潁州人夫亡自經

儲濬妻呂氏潁州人夫亡自縊

董瑁妻王氏潁州人夫亡族無屬姓王殮而葬之依母

氏居服除後自縊死

王家僕婦潁州人劉子安妻失其氏劉姓無賴好博病

死於外婦聞之即自縊死

蔣應節女潁州人年十六許聘李啓芳李死女聞自縊

王瀚妻盧氏潁州人瀚死氏自經

李驥妻胡氏太和人正德六年流賊陷城有卒逼之氏不辱死賊感其義戮其卒以禮葬之

王昭妻陳氏太和人正德六年流賊擄氏上馬氏詈罵不從投於河賊斷其屍

李欽女名玉蓮太和人爲賊所擄憤罵不受辱被殺時年十六與陳氏竝勒石旌善亭

劉一貴妻張氏太和人賊夜劫之氏詈罵不辱賊怒燎之於火中

羅進女太和人年十六許字王仲英子夫死女聞訃自縊有司旌其門

徐珏妻劉氏太和人夫歿自經以殉事聞建貞烈坊

于新豐妻趙氏太和人年十八夫死卽自經與夫同殮

韓禮女蒙城人年十五正德六年賊破城禮藏女窖中

賊執禮欲殺之女從窖中大呼勿殺我父賊起窖得女

劫之上馬女曰釋我父卽從汝賊釋禮女罵賊被殺

戴九姐蒙城人戴淵女幼聘張海海歿女方十五聞訃

自經死

時志學女蒙城人許字田儒年十六田死欲往守制父

母阻之伺父母出自縊於寢室

姜氏女蒙城人許聘何其恭恭歿哀痛成疾終不食死

父母憐之與何合墳

馮氏女蒙城人賊至逼之不受汚罵賊被殺

張琦妻盧氏蒙城人流賊入境執氏驅之行氏抱女投水死

李氏佚夫姓蒙城人夫爲賊驅不知所往氏與女潔兒俱投井死

魏瑤妻謝氏蒙城人孀居年七十流賊至媳王氏負而逃至河濱暫息賊逼近謝曰勿以老身累爾等遂投水死王氏與其女二姐及賀銘妻丁氏與其子女俱相挽入水死後凡得七屍邑令建七節祠祀之

張思謙妻劉氏蒙城人夫亡自經以殉家人救免防之七日不食而死

何仲清妻莊氏蒙城人夫死自縊柩側縣令奠而表之程稔妻韓氏蒙城人夫歿自經

潘養晦妻牛氏蒙城人夫歿欲以死殉姑苦諭撫孤氏勉從守節後子以痘殤氏投井死有司爲請建坊

戴韞珽妻田氏蒙城人夫歿自經死郡邑爲建貞烈坊張萃黃妻王氏蒙城人本江寧籍幼好讀書通繪事張

亦工丹青夫卒氏盡以夫婦合作諸繪納棺中對鏡白縊有司上其事建異烈坊

張顯思妻周氏蒙城人夫疾革氏曰會須同歸夫囑之曰俟吾友某來一見乃蓋棺然後聽子爲計越五日友果至殮訖氏卽自經

海秀妻李氏亳州人嘉靖二年歲大饑秀死李不能葬

負土為墳抱女沈河而死越三日屍浮如生女猶在抱
御史張惟恕表其閭耐祀夏侯令女祠

孫鈞妻龐氏亳州人鈞販豕為業夜行為盜所殺氏年
二十四誓志守節家人逼嫁氏遂自經

蔡銑妻杜氏亳州人年十八夫死自經

王敷紀妻汪氏潁上人夫死自縊

石佐妻楊氏潁上人夫亡自死以殉

王越妻張氏潁上人夫死氏殉

生員高翼麗妻封氏潁上人麗病氏割股不能療立嗣
成服遂自經天啓間旌

遲義敏妻陳氏潁上人夫死自縊

官三捷妻陳氏潁上人捷兄三仕以罪死丹徒捷千里

覓骸骨歸勞瘁而卒氏絕飲食號泣七日死

饒文地妻王氏潁上人饒傭於富家氏織紉奉姑夫亡

守節姑逼令改嫁不從自縊死

滑鯤妻孫氏潁州人夫亡矢節流寇逼之氏罵賊死

白鷗妻袁氏潁州人鷗死袁食貧守節自教其子精哀

舉於鄉會流寇陷潁精哀被執其媳李氏奉袁越城避

之袁足損不能行賊至害袁並刃李賊退李得蘇拮据

棺殮苦節撫子相繼以孝著

韓光祖妻武氏潁州人賊至潁氏同子婦李氏罵賊不

屈投火自焚而死又氏一妹一女與孫媳王氏偕殉

鹿獻陽妻王氏潁州人獻陽為推官氏封孺人賊至氏命服端坐罵賊死其子妾董氏與俱死

張大同妻章氏潁州人流寇陷潁大同出殉父難章遂同三側室宋氏蔣氏郭氏閉門自焚死

李栩妻劉氏潁州人賊入城劉勸姑避他所自扇戶投縲死

盧敏妻劉氏潁州人守節二十七年寇陷潁遂見害其第五兒及孫女二姐同遇害

甯儉妻楊氏潁州人儉罵賊不屈死氏與子婦唐氏劉氏幼孫俱死之

甯偉妻谷氏潁州人潁城陷氏閉門不出賊脅辱不從見殺

武宗尹妻甯氏潁州人夫為參戎久宦遠塞甯孝事孀姑姑病割股療之寇陷潁執甯索金帛甯詈罵投井死

其女為王於岐妻其子婦劉氏攜二幼女竝殉焉直指旌其閭曰一門三烈

王猷妻時氏潁上人寇陷潁氏墮井中賊散子復出之未幾賊又至執其子去氏憤罵死之其婦杜氏被數刀

猶匍匐姑傍見姑氣絕號呼投井死孫十二歲亦同死劉佐臨妻胡氏

劉國佐妻張氏潁州人胡與張妯娌也聞流賊至相約同死胡曰火烈張曰水潔及城陷胡曰吾不使賊見吾面遂投火死張赴池中



元中雅妻武氏 元中元妻儲氏 元中程妻李氏 穎州人遇流賊始媿三人投井死

張大章妻李氏 媳劉氏 穎州人遇賊怒罵不屈被害劉

氏刳腹死

郝慎修妻劉氏 穎州人氏夫與子守圍城餉皆劉炊城

陷投火死

李虛白妻韓氏 穎州人夫部郎封孺人遇賊不屈投水

死

石橋婦 穎州人不知誰氏婦為賊劫至北關石橋上抵

死不從賊怒磔氏死有司誌其地以表之

綠衣婦 穎州人不知姓名賊逼辱之不從為賊磔死

李琦之妻梁氏 穎州人流寇破穎琦之死於難氏抱屍

而泣縊死夫側

梁作棟之女

王立妾陳氏 穎州人氏與嫡同匿尼庵中為賊所執以

鐵瓜遞擊之陳曰我嫡也擊彼無益賊嚴訊幾斃投水

死

劉龜慈妻李氏 穎州人與女永姐並死於賊

王祉妻田氏 穎州人遇賊與一女同死

李逢辰妻邢氏 穎州人遇賊抱子投水死經旬屍浮水

上其子猶在抱

張調理母劉氏 穎州人其妻張氏暨弟婦李氏城陷俱

投水死

張肅範妻張氏潁州人一家俱被害賊逼氏相從氏拜屍而往至河邊投水死

盧和鼎妻吳氏潁州人賊至投水死

吳道行妻曹氏與二幼女及劉楷妻鍾氏俱潁州人遇難投水死

李向榮妻殷氏潁州人一門死節

于同麟妻甯氏潁州人遇難投縲死

王鼎隆妻張氏潁州人遇難縊死

陳奎章妻王氏潁州人夫死方殮賊至疑有藏金欲開棺婦以身護柩賊怒劈死

劉龜愿妻王氏潁州人側室龔氏俱遇賊投水死

王啓昌妻劉氏潁州人夫被殺罵賊遇害

王有聲妻郭氏潁州人城陷遇賊索銀錢氏大罵觸刃而死

王應元妻郭氏潁州人賊欲犯之氏大罵賊怒殺之

陳格心妻金氏潁州人遇賊獲其女金往救與女三姐同死

程懸楷妻張氏潁州人長子必遂妻何氏次必邁妻張氏俱遇賊投水而死

張鶴騰側室徐氏周氏潁州人遇賊焚掠徐周同投火死

李福徵妻陶氏潁州人遇賊焚掠甚迫陶端坐一室遂

焚死

鹿萬春妻張氏潁州人撫孤守節年且七十賊索金帛不應以刃加其項氏引頸受之其子婦劉氏慟罵扇戶引火自焚賊歎曰真義婦也併舍之

李維紀妻趙氏潁州人城陷一家十八口俱投井死

張嗣房妻郭氏潁州人子媳王氏寇至計無所逃俱赴

水死

申大志妻周氏潁州人罵賊被殺

劉大潤妻李氏潁州人罵賊被殺子婦某氏往救遂同

遇難

楊克振妻王氏潁州人與孀姑李氏竝罵賊不辱賊忿

恨以刃刺死

張大賡母王氏潁州人流寇逼潁甚迫計無所逃氏與

妾周氏皆不受屈遂于樓下積薪同登樓罵賊自焚而

死

徐繕妻張氏潁州人遇賊大罵挺身不屈引頸就刃賊

怒刃之

生員張嗣軫妻李氏潁州人城陷遇賊氏不受屈罵賊

被殺

甯田姐甯偉姐俱潁州人遇賊被劫奮罵不辱爭前就

刃而死

生員盧鎔妻劉氏潁州人寇逼城氏初不驚惟攜一子

一女閉戶聽之及城陷家人逃避氏引其子若女至池上先推女次舉子繼自投於水後三日賊去家人覓屍于水為審視自項迄足襟裾貼服及鬢髮間皆有所繫始悟閉戶時為之云

推官元豫側室李氏潁州人流寇破城氏遇之罵賊不屈而死

東關外女子潁州人避兵渡橋遇賊抱持之女亟碎其面賊怒磔而擲於河

甯佺妻劉氏潁州人 李生白妻韓氏潁州人

元文杰妻劉氏潁州人 劉廷桂妾楊氏潁州人

盧尊妻田氏潁州人 張南俊妻杜氏潁州人

張奎生妻甯氏潁州人 郭邦藩妻李氏潁州人

張瑋妻章氏潁州人 李學點妻楊氏潁州人

張調燮妻李氏潁州人 嚴克謹母崔氏潁州人

嚴克謙妻杜氏潁州人 田旆生妻王氏潁州人

楊季麟妻張氏潁州人 王用乾妻李氏潁州人

徐履方妻王氏潁州人 徐通方妻甯氏潁州人

方時申妻廖氏潁州人 王應妾焦氏潁州人

郭雄楚妻史氏潁州人 張俊業妻王氏潁州人

張美珍妻雲氏潁州人 張美珩妻杜氏潁州人

楊三桂妻張氏潁州人 王致志妻唐氏潁州人

郭之產妻邵氏潁州人 郭之光妻王氏潁州人

劉憲妻張氏潁州人 郭之本妻張氏潁州人

徐延嗣妻胡氏潁州人 王承祖妻王氏潁州人

劉光楚妻王氏潁州人 湯承緒妻賈氏潁州人

姚仁妻王氏潁州人 張應楊妻朱氏潁州人

姚克恭妻李氏長媳張氏俱潁州人

張應辰妻劉氏潁州人 湯雲孫妻徐氏潁州人

田用坤妾胡氏潁州人 劉士琬妻王氏潁州人

武烈妻苗氏潁州人 李鳳孫妻劉氏潁州人

李元白妻王氏潁州人 王典妻劉氏潁州人

李鯤化妻張氏潁州人 李道琦妻李氏潁州人

董元宰妻郭氏潁州人 郭世謙妻李氏潁州人

劉斌妻郭氏潁州人 陳應鵬妻王氏潁州人

賀加貞妻趙氏潁州人 李琮妻陳氏潁州人

段廷謨妻王氏潁州人 孫廷垣妻郭氏潁州人

谷國善妻儲氏潁州人 笄顯祖妻潘氏潁州人

李淑妻李氏潁州人 李世達妻張氏潁州人

柳廷蘭妻王氏潁州人 時向茂妻王氏潁州人

以上皆流寇破城時或溺水或自縊或罵賊皆不屈

而死

藍恆芳妻管氏潁州人年二十二而值芳病篤氏籲天

求代與祖母言誓不獨生至芳死之三日盡焚其衣奩

琴瑟泣盡而繼以血乘殯事倉皇得間解繩自縊州牧

琴瑟泣盡而繼以血乘殯事倉皇得間解繩自縊州牧

琴瑟泣盡而繼以血乘殯事倉皇得間解繩自縊州牧

任民育申請旌表

張朝京妻劉氏穎上人同夫歸寧遇寇欲污之劉給曰
媿夫在幸縱之去乃可從賊釋京氏度夫去遠遂投於
井中賊出氏刃逼之氏憤罵不屈賊怒碎其屍邑令申
請旌奠之


生員徐澄妻朱氏穎上人寇至欲污之給以匿子入室
閉門縊死寇破壁入忿氏死仍碎其屍邑令廖躬奠旌
之

謝朋升妻汪氏穎上人謝出城遇叛兵碎其屍氏號泣
中野徧覓夫屍不得遂還家自縊死里人重其義而葬
之

陳東妻韓氏穎上人遇賊欲污之氏罵賊賊怒割舌死
曹雲龍女穎上人幼聘於謝誥誥亡勢家強聘為妾氏
縊死合葬於謝

汪良夔妻江氏霍邱人流寇至刃其舅姑氏令二女遁
匿餌賊以錢帛誘及河濱奮身入水賊刃斃之越二年
賊又至二女避賊舟中長從艙中躍入河季繼之為賊
所持挈之登岸季恐辱身極口詈罵激其怒賊肢解之
人稱汪氏三烈

萬言妻吳氏霍邱人城陷氏往母家避之賊至同妹入
水死萬為之合葬
程翼聖妻汪氏霍邱人流寇至氏恐辱身先自縊死其



妾沈氏亦自經死

張汝敬妻蔡氏霍邱人城陷家人逃竄氏整衣拜先祠
閣戶自經

汪可奇妻陳氏霍邱人子毓秀媳王氏懷宗時流寇陷
城陳被執加之以刃不屈長子毓秀起救死之其媳王
氏奮身以護亦被殺

林起翰妻裴氏霍邱人寇至自縊

林冲漢妻朱氏霍邱人城陷氏護夫柩不忍遠逃賊入
室氏力拒賊斷其兩手而死

汪長清妻詹氏霍邱人賊至被執不辱死

王璿妾楊氏霍邱人遇賊被執不辱死

黃日芳妻陳氏側室李氏黃爲霍令城陷死之二氏同
溺澗死

胡本廉妻周氏霍邱人年二十守節撫孤孤亡遂自縊
曾長治妻戴氏霍邱人年二十五夫死氏服鳩赴火欲
與俱死母救之後一日復自經救之復甦遂哀號不食
乘間以頭觸棺而死

張希相妻儲氏霍邱人夫亡氏絕飲食淚盡繼以血七
日死

王冕妻某氏霍邱人夫歿悲號不食而死

孫士望妻桑氏太和人懷宗時爲寇掠氏罵不絕口賊
焚其軀有司表之

張敬妻孫氏太和人賊殺其二女逼辱不從被殺
秦培篤妻王氏太人流寇入室夫婦罵賊死

趙三在妻司氏太和人年十七遇流賊亂與父母同匿
被擄迫令上馬氏不從奪刀刺賊賊怒糜其體猶戟手
撼指不仆三在及其父母抱之哭俱被殺

于京妻李氏太和人京庠生早死李撫孤子拱乾守節
流賊至執京之祖有成京父澤九泣代弗許同被殺氏
與姑汪氏挺立劇罵以瓦器投賊賊怒又殺之時拱乾
在有成懷抱中至死未釋數尸狼籍僅乃得免
韋應倫女年十五未字太和人懷宗時流寇亂父應倫
被擄女投繯死

黃之奎妻汪氏太和人適之奎以孝聞流寇至欲傷其
翁姑氏大呼曰寧殺我勿傷我翁姑也迫之上馬不從
刃之至死罵不絕口

生員夏景虞妻劉氏太和人夫死無子一女復殤遂縊
趙鴻基妻方氏太和人年十九夫死自經于尸傍院司
表之

李珩妻魏氏太和人夫死撫孤孤殤氏哀悼欲死其母
迎歸以居比拜墓歸半夜縊死邑令表之

郝赳妻張氏太和人年十七夫死自經
郭氏太和人夫農家牧兒與其儕浴於河溺死氏以襟
蒙面自投其溺處明日二屍相抱而出

阮蘊貞妻陸氏太和人夫避亂覆舟死氏聞投繯以殉

侯世祿妻韓氏太和人年十七夫歿氏自縊死

苗尚義妻范氏太和人懷宗時流寇入境自縊死

崔起妻程氏蒙城人闖賊入城氏與媳胡氏相向縊死

懷毓秀妻冀氏蒙城人秀死無子氏自縊以殉

庠生王斌妻夏氏蒙城人懷宗時斌為兵所殺氏不辱

死

朱應鴻妻翟氏蒙城人鴻年四十艱於起臥氏典鬻俱

盡夫亡乞於途人僅買一棺殮畢自經

程宗洗妻王氏蒙城人寇至恐辱自縊

程姓妻梅氏蒙城人年十八寇至攻樓持磚擊寇不利

自縊死

程姓妻甯氏蒙城人年二十四夫亡忍死養姑四十餘

年姑死氏仍禮葬畢縊死於姑墓

駱姓妻吳氏蒙城人年二十撫幼子守節寇焚其樓氏

倉皇抱子下避賊劫之不從被殺

程姓妻倪氏蒙城人夫病嘗割股及死撫繼子守節奉


姑二十餘年寇至欲污之不從被殺

魏姓妻胡氏蒙城人年二十夫亡撫幼女守節十餘年

寇至自經而死

吳希堯妻張氏弟希孟妻楊氏蒙城人二氏偕行避賊

賊見欲擄之楊以傘柄擊賊俱被害



楊芳博妻王氏蒙城人夫死既窆遂自經

翟雲府妻劉氏蒙城人寇至一家被害欲擄婦婦曰吾夫有金埋後園賊往取氏抱子墮井死

王二賢妻王氏蒙城人寇逼其舍舅氏病倩勇夫昇舅同遁卒遇賊欲驅氏行罵曰我家世衣冠恨不能提劍斷汝頸耳賊怒殺之

胡懋芳妻郭氏蒙城人懷宗時賊侵亳懋芳負母偕氏奔避橋下羣賊至指氏曰汝從我氏以手挽姑寇曰當先殺此老嫗氏曰從則從勿殺我姑奮身登橋投急流中死

孫養冲妻李氏蒙城人守節撫孤闖賊破城氏獨廬居

墓側有巨寇袁時中逼令造食氏大罵賊怒刃之

朱紱女名蘭蒙城人許聘胡姓時年十四寇攻鄰樓急女引頸令父殺父不忍女自縊噴血死

吳太亨女名弟蒙城人許聘程某年十五賊至避於姑樓賊縱火攻樓女墜下賊強之行罵賊被殺

王姓婦曾氏蒙城人夫早亡守一歲子寇至欲丐之不從就刃無懼色

胡尊周妻楊氏蒙城人夫死自縊

唐詩妻梅氏蒙城人寇至逼氏氏厲聲罵賊賊怒殺之李寧妻季氏蒙城人流賊入境寧同氏竄荒野中賊漸逼夫婦驚散賊脅氏上馬氏罵不絕口賊斫其臂墜地

罵愈厲斷其喉乃死越七日收殮面色如生

魏達妻丁氏蒙城人賊亂氏被獲大罵奪賊刀遂遇害

陸履順妻王氏蒙城人 張得英妻陳氏蒙城人

張得昂妻高氏蒙城人 張得智妻張氏蒙城人

以上四氏俱與丁氏同時遇害

王景凡妻楊氏蒙城人懷宗時土寇脅王入夥不從被

殺逼氏行給之曰掩我夫方從汝賊果掩之氏偕行遇

井攜女投井中死

王可道妻江氏蒙城人夫死貧不能殮鄰里合錢買棺

期次日葬及期至其家氏已自縊於屍傍但見飲食畢

具蓋以待昇棺者衆重其烈復合錢竝葬之

丁樞妻陳氏蒙城人夫亡自縊

李澤久妻季氏蒙城人夫亡飲毒而死

李澤溥妻許氏蒙城人溥病將革憐許年少無歸氏曰

我今有歸也托故人他室縊死溥聞歎息而逝祀表貞

祠

張起鳳妻許氏蒙城人值寇亂起鳳被殺賊逼氏氏大

罵遇害

張良臣妻某氏蒙城人歲饑夫婦謀食於蒙良臣病死

氏遂自經以殉

陸捷略繼妻段氏蒙城人夫死夫之弟姪許嫁於劉姓

詐以賊縛氏比之劉家以銀簪刺心死祀貞烈祠

鄒承鳳妻盧氏蒙城人夫歿年方十七殮畢遂縊死
楊蘊奇妻王氏蒙城人夫死自經以殉

馬鼎銓妻楊氏鼎新妻王氏俱蒙城人兄弟偕亡楊年
二十四有子王年十九無子王語楊曰汝有子宜撫我

無子宜死遂自經楊忍死苦節撫孤成名郡縣表之
牛光斗妻劉氏蒙城人夫被賊殺死氏遂自縊

穆際元妻蔣氏蒙城人大歿自縊
魯大智妻王氏蒙城人流賊至夫被殺氏罵賊自刎

劉啓明妻周氏蒙城人夫死殮畢自經
戴而卓妻潘氏蒙城人夫病久醫藥無資病將革氏泣

曰願先君死令君瞑目遂自經時盛暑顏色如生無一
蠅集其身越五日卓亦死


武月溪妻閻氏蒙城人夫歿於京有欲謀娶者氏自經
死

唐九章妻張氏蒙城人懷宗時流寇破舊縣集氏被執
罵賊不絕口賊碎其屍

國朝張極妻朱氏潁州人年二十二夫歿自縊
張小四姐亳州人惡少程某強逼之四姐奮罵不從遇

害
范圍化妻季氏太和人年十五罵賊死其柩側嘗有蝶

繞
任希賢妻任氏蒙城人夫死慟哭投繯家人急救得甦



殯夫後仍自經死

旌表

劉毅妻甯氏潁州人毅亡葬之前一日氏自縊柩側遂

合葬

劉氏女潁州人許字蔡佩未娶而佩死女年十七聞訃

自經

李鉉妻張氏蒙城人鉉傭於亳病死柩抵家氏痛哭自

縊

楊德福妻張氏蒙城人德福出外鄰惡史圭典直入氏

家強逼之氏奮詈不從史怒以石碎氏頭而死事聞史

服辜

以上康熙年人旌表

劉擴妻李氏潁州人進士李敏孫之女夫亡投繯者二

家人救之憫云今方有孕當育子為夫後未幾舉一女

不育遂自經事聞

旌表

馬小妻段氏太和人夫傭工於外豪棍逼辱之氏不從

自刎而死雍正五年人旌表

高承烈妻許氏亳州人夫死自盡

李氏女榮姐太和人李二者挾刃逼辱女喊罵不從

被殺

旌表

鍾鼎妻劉氏潁州人鼎死投水以殉

亓敬修妻時氏潁州人夫死自縊

許會妻張氏潁州人姑有污行并有欲污婦者氏不從

投井死

謝叔闇女潁州人幼受鄭生聘鄭亡女聞自縊

生員郭幹濟妻趙氏潁州人夫死姑張氏一慟而卒趙

竭廩營殮自經死

孟氏女潁州人許字監生方嘉相夫死哀泣自經家人

救免乘間投溝而死

梅友檜妻宋氏亳州人夫死無子氏年二十有一三年

服闋投繯以殉

陳桂環妻劉氏亳州人夫他往氏少艾獨居逆僕程申

挾刃相逼氏力拒就死申亦自殺

馬文炳女名長姐亳州人許字未婚夫死聞訃自縊以

殉

孫玉妻蔣氏 李善久妻王氏 李海金妻李氏 聶

世綬妻張氏 張遠妻李氏 戴希聖妻程氏 以上

俱亳州人夫歿自縊

鄧士勲妻蔣氏亳州人夫亡無子苦節奉姑姑歿投繯

死

馮氏女亳州人許字傅守昆傅亡訃至女以死殉

鎖琰妻李氏亳州人嫁三日夫歿氏視殮畢即自經以

殉

馬景瑗妻邢氏亳州人夫死撫孤孤痘殤氏自縊死

鄧成龍妻丁氏亳州人年二十二夫亡絕粒不食數日

死

張御六妻仰氏亳州人夫貿易客死柩歸自經以殉

滁州

宋丁國賓妻州人佚其氏建炎間饑亂盜殺人以食國賓
遭掠將烹之其妻泣曰丁族亡且盡獨夫存請代賊釋
丁而烹之

元羅汀妻何氏州人汀家貧賣餅何當墟時丞相脫脫家
人陳威橫甚見何悅之誘汀出貿易沈之于江躍數四
乃沒歸言汀病死盡還其資何孤身零丁竟歸威生二
子一夕夢汀云汝後遊園見池龜卽我冤可雪也何不
解後偶憑園楹忽見龜墮池中躍不起威醉失笑何因
憶夢怪問之具得其狀適御史行部且至乃夜殺二子

逃出訴之御史收威寘極刑籍其家半給何養辭不受
設汀位招魂祭奠遂自殺

明彭禾妻施氏滁州人禾病劇諭以改適氏泣曰君尚不
知我耶因取禾所嘔血盡吞之禾亡自經

袁蘭妻丁氏全椒人蘭死無嗣氏泣曰夫者天也夫既
殞吾何生爲越宿自經死事聞旌表

馮璋妾王氏來安人璋病革氏先自縊人以報璋璋亦
氣絕遂葬璋側

楊希曾妻吳氏滁州人年二十夫亡母勸改適氏佯諾
母去自縊

何氏女滁州人家烏衣鎮崇正丙子流寇突至欲污之

女堅拒奮罵賊怒亂砍之

張子玉妻王氏全椒人

張君常妻晉氏全椒人

胡繼業妻丁氏全椒人

金楚珍妻吳氏全椒人

夏禹準妻武氏來安人

余應鳳妻趙氏來安人

丁華妻沈氏來安人
以上皆寇掠不屈被殺

國朝姚氏女滁州人許字來安韓鈞鈞亡女聞訃自縊與韓

合葬焉康熙年旌表

和州

宋張弼妻徐氏和州人建炎三年爲亂兵所執氏瞋目大罵賊殺之投屍江中

明楊驥妻陳氏和州人正德十六年爲賊所掠欲汚之氏

大罵不從賊怒磔死

僕睽妻王氏和州人侍婢偶遺氏鞋爲惡少所拾諱語

及婦婦聞之引刀自刎死

胡崇仁妻周氏含山人隨夫宦粵西以憂歸道經郴江

適山謠嘯聚氏懼爲所辱沈江死

王氏女和州人幼許字黃景茂景茂貧且疾父背前盟

更許楊姓女聞自經

生員楊德隆妻張氏和州人城陷賊欲牽之去氏抱柱

十指皆爲賊斷死於家

張延印妻田氏和州人遇賊大言觸堦而死賊怒復支

解之其孫婦劉氏暨孫女皆見殺

生員王旭妻姚氏和州人城陷氏謂旭曰吾女子惟有一死君當速走旭曰汝旣死節吾讀書人寧復汚賊刃耶遂同赴水死

運判馬如虬妻劉氏側室何氏俱和州人城陷何爲賊所執不屈奪賊刃自刎劉罵賊亦自刎

府判馬如融妻張氏側室張氏俱和州人城將陷率妾匿土窖中聞窖上轟聲如雷知賊至因相誓曰吾等義不可辱遂相繼刎死

庠生張國維母陳氏和州人城陷居舍皆燼氏坐不離賊疑其有匿拷訊之陳曰我貧家婦焉得金賊掘其坐處氏力阻曰我之坐守者家譜耳賊掘得之見其先人

有科貢出仕名目遂疑爲富家愈行拷訊致死

生員王貞妻杜氏和州人城陷罵賊死貴池劉城有乞

刀硬婆傳

沈士良妻史氏和州人諸生沈喆母也聞賊攻城率婦

陳氏哭拜家廟曉之曰喆兒送汝祖葬幸未入城或可

不死我與汝婦人也義不可生當覓死所及城破並投

城隅池中死

宋德懋母穆氏妻邵氏俱和州人賊攻城急氏語邵曰

吾夫若子家世清白余兩人可爲賊鋒濺乎姑媳相抱

投水死

趙爲光母張氏妻王氏俱和州人賊陷城張同媳將裏

衣線結赴水死

夏繼爵妻辜氏和州人青年以柏舟自誓流寇陷城氏

率子婦王氏並投水死

馬如蛟妻張氏和州人流寇陷城氏同妾張氏吳氏皆

不屈白刃而死

姚希舜妻馬氏和州人賊攻城急氏藏利刃同數女匿

土窖中俄聞窖上掘土聲遂出刃自刎衆女義之

李有顧妻錢氏和州人曹鐸妻成氏和州人

張元貞妻黃氏和州人陳孔時女和州人

馬如虹妻楊氏和州人林之芳妻黃氏和州人

林日熇妻鄭氏和州人張燦母成氏和州人

劉春元妻朱氏和州人薛志登妻尹氏和州人

王弘中妻魯氏和州人王朝璋妻魯氏和州人

沈應麟妻朱氏和州人王良器妻耿氏和州人

宋文元妻劉氏和州人魯思周繼妻劉氏和州人

馮遇年妻班氏和州人宋之準妻李氏和州人

王懿母陳氏和州人楊九思母鄭氏和州人

萬鑑母童氏和州人鄭祭時妻何氏和州人

趙世光妹和州人余守榮女和州人

劉從先妻耿氏余氏俱和州人

明倫堂烈女和州人烈女祠前烈婦和州人

下察院烈女和州人東門烈婦和州人

西門烈婦和州人

州前烈婦余氏和州人

馬葉妻嚴氏和州人

陳孔傳繼妻魯氏和州人

宋光祖妻徐氏和州人

過守耕妻王氏和州人

宋德明妻馮氏和州人

王元舉妻范氏和州人

姚守中妻萬氏和州人

姚承舜妻鞠氏和州人

姚時中妻王氏和州人

劉柱妻姚氏和州人

孫裔昌妻張氏和州人

孫終駿妻劉氏和州人

張崇孔妻孫氏和州人

萬道光妻郝氏和州人

李可培妻周氏和州人

鄭倫母譚氏和州人

彭昂母呂氏婦僕氏和州人

曾思慶妻高氏子婦陳氏孫婦何氏俱和州人

李日芳祖母余氏和州人 王朝佐妻徐氏和州人

王朝敬妻劉氏和州人 王弘策妻鄧氏和州人

王弘先妻鞠氏和州人 曹盡忠妻成氏和州人

吳樸女和州人 萬道統妻魯氏和州人

高一本妻胡氏和州人 劉萬業妻鄧氏和州人

林日燦妻俞氏子媳宋氏和州人

馮繼科母宋氏伊婦陳氏和州人

盛名女和州人 盛可觀妻王氏和州人

盛可紀妻張氏和州人 王師臣女和州人

馬逢常妻張氏長媳張氏次媳祝氏俱和州人

郭宗儀母劉氏和州人 孫三聘妻計氏和州人

鮑璞妻張氏和州人 張拱斗母劉氏和州人

趙應光妻韓氏和州人 宋之普妻楊氏和州人

宋之白妻蕭氏和州人 戴九元妻嚴氏和州人

戴九思妻呂氏和州人 戴九疇妻石氏和州人

魯懋聲妻戴氏和州人 馬士遜妻黃氏和州人

王琬母滕氏和州人 沈繼夔妻魯氏和州人

方用中母魯氏伊婦王氏和州人

方時中母楊氏伊婦戴氏側室張氏俱和州人

張崇德祖母林氏母親陳氏和州人

孟學孔妻林氏和州人 張時行妻沈氏和州人

盛美母某氏伊婦張氏和州人

王政行母鄭氏和州人 林應鰲妻張氏和州人

羅春育妻黃氏和州人 王懋勳妻郝氏和州人

劉之翼妻葉氏伊婦湯氏和州人

魯天性妻周氏和州人 魯率性妻王氏和州人

魯覓性妻楊氏和州人 魯彝性妻張氏和州人

孫標妻尚氏和州人 馬大立妻王氏和州人

范銘妻魯氏和州人 盛廷德妻王氏和州人

陶應昌母魯氏和州人 盧茂春妻陳氏和州人

蘇友義妻劉氏和州人 鞠中黃妻聶氏和州人

黃之祚母鞠氏和州人 陳賓吾妻李氏和州人

朱成龍妻某氏和州人 熊健妻陸氏和州人

張映斗妻高氏和州人 張尚儒妻汪氏和州人

王良翰妻魯氏和州人 林毓麟妻陳氏和州人

生員陳王策妻姚氏和州人

鮑璞母邵氏和州人 喬芳楷妻鮑氏和州人

劉璽母耿氏媳王氏和州人

劉延漢妻柴氏和州人 林登祉妻吳氏和州人

楊之燦祖母韓氏長媳李氏次馬氏和州人

孫承緒妻時氏和州人 王朝安妾謝氏和州人

方友信母潘氏和州人 王尚綱妻沈氏和州人

王尚純母錢氏純女王氏和州人

王位中母孟氏和州人 王熙母譚氏和州人

聶守玉妻李氏和州人 王子尚妻翁氏和州人

成其功妻王氏和州人 劉臺妻王氏和州人

王用賓妻尹氏和州人 王用賢妻杜氏和州人

王用聘妻魯氏和州人 王用極妻戴氏和州人

武維周妻姚氏和州人 王翰妻孫氏和州人

張履中母陳氏和州人 姚某妻張氏和州人


班之升妻楊氏和州人 何守元妻王氏和州人

王應訓妻宋氏和州人 張鵬翼妻王氏和州人

葉敬中母高氏婦宋氏和州人

趙文選妻夏氏和州人 耿自明妻郝氏和州人

王彥母魯氏和州人 張汝寬妻譚氏和州人



馬文卿妻徐氏和州人

尹郊祖母李氏和州人

魯國俊妻張氏和州人

耿憲昌妻葉氏和州人

朱之翰妻馬氏和州人

以上俱崇正時遇流寇陷城或自經或蹈火或赴水

或被殺貞烈卓然

慶永奇妻王氏含山人流寇破含山夫婦陷賊營氏給

以家有藏金可縱夫往取賊信之閉氏空室潛解所繫

腰袜自經賊怒磔其屍

唐運昌妻洪氏含山人隨夫避寇和州楊宅賊攻城亟

囑夫攜二子育葵育蕃遠遁氏攜幼子與楊諸婦積薪

焚死

蔣曙妻胡氏含山人奉姑避寇爲所執給之賊釋姑氏

不屈死

張秉純妻劉氏和州人城陷秉純絕粒死氏亦勺水不

入口閱十有六日肌肉銷鑠命子扶至柩前祭拜一慟

而死

張侶顏妻王氏和州人年十九生子甫周歲值叛兵肆

掠氏同母避於朝陽洞兵攻洞急氏以子付母挺身躍

洞外洞高數十仞亂石觸撞頭顱粉碎血肉淋漓收殮

之日衆不忍視

國朝陶爾盛妻倪氏和州人里黠欲強污之不從遇害雍正

十年

旌表

江南通志 卷一百一十一
楊氏女含山人爲汪丁明養女許字王章丁明尋悔欲
更爲豪右妾女不從逼之因檢王氏聘物繫肘後自經
死

余維藩妻許氏先世新安人父客運漕遂家焉年十八
歸藩藩有癩疾氏謹修婦職越八年夫亡勺水不入口
衰經自經

陳氏女和州人許字黃彝鉉未婚夫亡女數欲引決父
母防之密遂歸黃拜舅姑若將終身至夜以髮雜纒辮
孿結自經死有遺書辭家人字字血痕

張鼎奎妻奈氏含山人居運漕鎮夫死氏絕粒十九日
將革遠近觀者如堵鎮人爲斂金建祠

張萬策妻唐氏含山人國初潰兵攻掠氏與弟廷對俱
爲所執氏泣曰父死母孀弟不可死我不可生因給兵
願以身從乞釋弟及弟行遠遂躍入水死兵怒鈎其屍
磔之

陳世禾妻鄭氏含山人十九歸禾禾親早喪每號泣氏
亦泣禾兩兄失偶無子氏舉子世清伯氏欲以爲嗣禾
許之禾病死氏遵命以子嗣伯氏絕粒死將死時子索
乳乳則血也兒大懼而啼氏亦顧極而啼死時年二十
五

廣德州

明雲氏女廣德人適魯姓爲亂兵所拉欲污之義不辱兵

怒磔之

吳良珙妻陳氏建平人值亂氏攜幼子被執給以簪珥所藏處遂投井死七日後顏貌如生

王命錫妻田氏建平人姑兩目皆瞽一日聞亂鄰婦迫之出田曰我何忍舍姑往遂被獲逼氏上馬不從以刃揮之而殞

某氏逸其姓年二十夫亡甚貧爲姑求蓋於越溪無賴少年戲之婦投溪而死名其塚曰節婦墩

趙鶴六女廣德人許字步漑漑客死錢塘父母欲更嫁之氏遂經死

嚴以作妻傅氏建平人嚴死氏托孤女於夫妹閉戶自縊以救復甦乃碎一碗吞之死

潘之城妻韋氏建平人夫歿殉夫死

姚善富妻王氏建平人善富入太學燕師起叔父恕以陳迪壻故死節善富又以恕故自經詔陳屍御史廊下七十五日氏凡三伏闕上疏乃得允歸殯

國朝濮宗元妻胡氏廣德人歸濮未幾鄰有金木匠頻挑之氏嚴拒一日越嶺詣伯姆家金瞰知持斧候於山僻苟不從遂被害康熙年旌表

王氏女名小姑建平人許字宗茂松未婚夫殞女聞訃卽絕粒夜則閉幃篝燈密製衰經如是三日伺母弟皆寢乃更衣將元聘禮帖釵鈿納懷袖投繯死宗氏迎櫬

與茂松合葬焉雍正九年旌表

岑達觀妻潘氏建平人達觀祖母朱母烏俱早寡守節
潘又寡無子時烏氏病朱氏年老矣曰吾不忍再見少
年寡婦侍側也密諭其父迎歸任擇所之父托鄰媪自
以其意微動女女志斬然久之私怪其姑杳不通問而
數聞人言再醮利益悲憤欲歸姑家鄰媪因明告姑意
乃大慟自縊救甦者再朱聞之亟迎歸與兩世孀姑相
守以歿

六安州

明趙軌妻周氏六安人正德壬申流賊掠周氏去周給之
曰家有金珠請歸取之至家攜子女投水死

庠生邱民法妻張氏六安人賊掠欲污之死不可奪及
覓得其屍刀痕徧體兩手堅握中衣至殮力撥其手不
能開

謝天爵妻陳氏六安人遇賊賊欲掠之去氏奮罵不從
遇害

失名女六安人賊猝至避不及爲賊所執大罵不辱被
殺

貢生鄧我榮妻馬氏英山人年十九避流寇於羊角山
被執不辱而死

鄧君衡妻王氏六安人夫亡紉衣密縫從容自盡投繯
之後顏色如生

張九敘妻鄧氏六安人夫亡身殉

黃文議妻潘氏霍山人夫亡自經於棺側

國朝邵型妻劉氏六安人夫死殮畢遂閉戶自經死雍正八年

年旌表

趙碩孝妻胡氏六安人殉夫死

人泗州六安人

宋王宣妻曹氏建炎中盜馬進焚掠臨淮宣要曹氏避之

曹曰婦人不出閨門君請自往賊至宣避之曹臥牀不

起賊劫持之大罵不屈被害

張同朱妻陳氏泗州人歲饑就食青陽夫嚮之於虹縣

李簡氏通身密縫至簡家以剪刀自刺死

陳旺妻劉氏泗州人旺歿劉不食十餘日死

明青陽民妻失其姓夫以官逋繫獄久不得出妻曰嚮我

於遠商庶可不偕亡也夫從之既成券痛哭分袂夫得

生氏赴水死

副使王養正妻張氏泗州人養正官副使死於任氏聞

訃絕粒七日死

張箕妻李氏五河人夫亡自縊

何氏女泗州人年十一父貧鬻女悞入於娼家歲餘女

始悟歎曰生而不良不如死之為愈遂引刀自刎太守

楊遜表之

俞潭女泗州人年十七正德間流賊犯境女被執抗顏

峻詞義不受辱賊以兵懼之罵曰吾良家女豈汝狗盜
偶邪賊怒叢刺之至死罵不絕口州人爲立祠

劉大文女泗州人有強暴毆其母闌入閨房女見勢急
以身蔽之不能止且橫罵焉女曰吾處子也焉有受人
毆辱尙覩顏求活哉不食死

何雄二養女盱眙人長名春景少名進喜雄逼爲娼二
女聯臂投淮數口逆流雙浮水面顏貌如生本縣申請
建祠致祭

周六韜妻陳氏盱眙人年二十三韜死子幼守節事姑
姑亡有迫之他適者遂縊於寢室事聞建坊

胡貞啓妻侯氏盱眙人夫死自縊建烈婦碑於津泥集

周夢熊女盱眙人婿有廢疾欲易婚女聞自經

袁領女盱眙人遇賊至不辱死

樊九錫女盱眙人賊至不辱罵賊死

劉植妻朱氏盱眙人歲飢家貧夫令改嫁不從自縊

趙靠妻顏氏盱眙人歲旱飢甚夫逼氏嫁不從經死

呂氏盱眙人姑老家貧夫逼改嫁赴水死

蔡氏女天長人許字潭長長病迎之歸曰吾鬼籙中人
不忍復點若身若以兄事吾待吾死得至易簣吾瞑目
矣蔡侍湯藥六閱月長死遂自經

王蔡子婦胡氏天長人蔡灌園城北子亡胡年二十餘
其姑欲嫁之乃自沈於河得救歸母家異日姑爲季娶

婦召還氏謂姑曰婦有夫服不祥應暫避閨戶自經
袁婦楊氏天長人年十六袁貧甚欲驅爲娼楊不從捶
楚備加自縊死

王漢妻徐氏天長人漢貧他出徐於野田採蘋而食豪
強葛爽欲私之強裂其裾徐泣曰吾婦人也何辱至此
遂縊死爽亦暴卒

張德妻周氏天長人夫亡養姑撫女姑有疾剗股救愈
有豪鄰欲逼娶之氏斷髮自刎夫不許自縊
胡錦妻林氏天長人錦亡撫孤守節鄰人欲強娶氏剪
髮投井知縣楊州鶴表之

萬崐妻陳氏天長人夫死家貧遺孤四歲氏常枵腹以
育之後子溺死遂自縊

李文茂女五河人女幼孤母沈守節贅壻相依壻亡有
欲逼改嫁者遂自經死

沈一經妻曹氏五河人流寇壓境爲賊執氏不從露刃
脅之復引弓作欲射狀氏怒罵曰刃且甘受何畏射賊
怒解其體

聶鼎妻姚氏五河人嘉靖癸丑被賊執登舟氏度不免
給賊曰業已相隨但乳兒在岸棄之不忍賊信之氏登
岸躍入急流中死

孫鑾女五河人母朱氏卒鑾繼娶李攜前夫之子鄭州
兒同居州兒欲私之女訴於姊曰彼敢辱我必刃之而

後死一日州兒給母他出調女女伴諾使閉門遂殺之
女亦自刎事聞建祠立坊旌表

張五教妻沈氏五河人適張二十五日夫歿扇戶自經
歐伯鎮妻戴氏五河人年十八夫歿哀泣視殮畢自經
邑令表之

宋雲鴈妻盛氏五河人年十七夫亡自經萬曆間旌表
王序禮妻丁氏禮弟序爵妻郭氏五河人序爵爲賊殺
郭方懷孕及生子閱月投繯死嫂丁氏適生女丁不忍
姪之無養遂棄女乳之後序禮死丁守節撫姪成立
都尙禮女五河人幼許字桑氏子桑家貧有惡疾尙禮
議改適女聞之投繯死

瞿氏女天長人許字董君兆未嫁崇正十年流賊猝至
女自度不免遂刎頸死

李準妻胡氏天長人準不才以氏償逋氏曰我豈事二
夫哉自經死

苗百壽妻張氏天長人張僉憲孫女值流賊至見氏欲
執之母稽首乞哀賊殺之旋牽氏臂罵曰賊奴辱我
手速斷去寇怒鬻磔其軀時溽暑家犬爲守其屍不去
他犬入則嗥吠逐之後家人收葬膚體猶香

鍾淳女天長人年十六許聘繆一元夫亡女哭泣不已
父母解之曰當擇良子配汝女垂首不應母強問之曰
雞乎犬乎吾人也許一而已一日取繆氏聘物焚之自

縊死歸其屍於繆合葬焉

胡氏女天長人許字未婚夫死自縊以殉

周氏女天長人許字潘明未適夫天女願奔喪不果伺

母炊自經死

歐纘修妻鄒氏五河人纘修赤貧氏勤儉相夫崇正十

年流賊破城擄氏逼辱不從賊刃之至死猶罵賊

李應元妻陸氏五河人流賊犯五河應元被擄氏聞奔

賊營泣告願畱已而遣夫賊欣然從之應元猶不忍去

氏謂曰夫死妾亦必為所擄俱死無益也頃之夫遁已

遠遂奪刃自殺

鄒述孔妻張氏五河人流賊破城遇氏以手拽之大罵

被殺

石守仁女五河人年十七質美而性莊流賊突至父母

逃死女被執逼辱之女抱槐樹厲聲罵賊賊怒使數人

牽之不解斷其兩手罵如初又斷其足愈罵不絕痛仆

地賊褫其衣女嚙賊指斷其三賊衆擁薪焚之後所焚

地血痕點點遇雨則燥暘則濕

張大漢妻郭氏五河人歸張月餘流賊入境俱被執將

刃大漢氏抱泣賊捨大漢而洩氏欲逼之氏趨投河水

淺不能溺賊撈救氏大罵兩手持於泥沙石向賊憤擊

賊怒并其夫支解焉

孫天祿女五河人崇正十七年遇兵觸刃死

臧某妻石氏泗州人流寇至被擄厲罵不辱賊怒支解之

國朝王臣賡妻齊氏盱眙人年十九賡暴病而亡氏遂自縊

順治間 旌表

楊三魁妻馮氏盱眙人強暴逼奸不從投水死

姚心妻李氏盱眙人夫死自縊

烈婦蔡氏天長人

王天祥妻趙氏泗州人夫溺洪澤河氏聞密紉内外衣

投淮死

石氏盱眙人爲強暴逼辱殺傷夜沈淮水中三日後尸

浮水面

方大成女五河人許字丁象觀子未適壻亡女求死殉

父母固防之女遂不復言久之見媒嫗往來相繼女窺

知其意至晚閉閣投縲死

倪景妻王氏泗州人夫客死氏聞絕粒母迎歸勸慰之

數日泣辭歸自經死 以上康熙間 旌表

白三妻謝氏五河人夫雇工於沈簡升簡升累次強奸

氏不從自刃以死雍正三年 旌表

周森女盱眙人許字來安業覲光未婚覲光死女聞投

縲以死雍正九年 旌表

宋尙義妻俞氏泗州人夫亡赴水死

胡尙德女泗州人年十四割股救母許聘楊三極極爲

人傭工死於梅城父母欲更卜婚女曰願歸壻骸葬之
乃相從父母取壻柩歸及葬往拜奠歸自經死
王氏女泗州人年十九夫宋弼貧不能娶聞弼病卒氏
服喪百日自縊死



江南通志卷一百八十一終

